

江陵縣志卷之五十五

外志二

紀兵

春秋莊公十八年冬巴人伐楚十九年春楚文王禦

之大敗於津

杜預註津楚地或云江陵有津鄉卽此

定公四年冬蔡侯以吳子伐楚五戰及郢楚子出涉

睢

睢卽沮水

吳入郢申包胥如秦乞師秦子虎率車五百

乘以救楚大敗吳師吳子乃歸楚子入於郢

楚惠王二年白公勝襲殺子西子綦於朝劫王置之

江陵縣志

卷之五十五

外志

紀兵

一

高府屈固負王走昭夫人宮月餘葉公與惠王之徒
攻勝殺之王乃復位

秦昭王二十九年大良造白起攻楚取郢爲南郡楚

王走

漢高祖五年故臨江王驩爲項羽叛漢令盧縮劉賈
圍之數月而降

光武建武九年公孫述遣田戎任滿程汎將數萬人
下江關擊破馮駿等軍時岑彭屯津鄉數攻田戎不
克十一年帝遣吳漢率誅虜將軍劉隆偏將軍魯奇

發荊州兵與彭會破之斬任滿生獲程汎而田戎走保江州彭上劉隆爲南郡太守

和帝永元十三年冬巫蠻許聖以郡收稅不均怨憾遂反辛卯來寇南郡十四年夏遣使者督荊州兵分道討聖等大破之

桓帝延熹五年武陵蠻夷寇掠江陵間荊州刺史劉度南郡太守李肅退走荆南皆沒以馮緄爲車騎將軍兵十餘萬討平之

獻帝建安十三年吳周瑜程普大破曹軍於赤壁復

江陵縣志

卷之五十五

外志

紀兵

二

追至南郡操北還畱曹仁徐晃屯江陵瑜仁相守歲餘殺傷甚衆仁委城走權以瑜爲南郡太守

二十四年關某圍曹仁於襄陽曹操遣于禁救之會漢水暴起某以舟兵盡虜禁等步騎三萬送江陵閏月呂蒙襲南郡南郡太守糜芳以城降蒙據江陵

後漢章武二年魏遣曹眞夏侯尙張郃徐晃圍南郡吳諸葛瑾潘璋楊粲救之孫盛督萬人據江陵中洲

卽百
里洲

以爲南郡外援明年春眞使張郃擊破吳兵遂奪中洲初朱然以呂蒙薦假節鎮江陵及眞等圍江

陵破孫盛却瑾等江陵中外斷絕城中兵多腫病堪戰者裁五千人眞等起土山鑿地道立樓櫓臨城弓矢雨注將士皆失色然晏如無恐意方厲吏士伺間隙攻破魏兩屯江陵令姚泰領兵備城北門見外兵盛城中人少食且盡懼不濟謀爲內應然覺而殺之時魏兵圍城凡六月會大疫乃還

後帝延熙十三年十二月魏王昶率衆攻江陵城不克而退吳朱績績卽施與奮威將軍諸葛融書約共追之融答許績引兵追昶於紀南戰勝而融不進後遂

江陵縣志

卷之五十五

外志

紀兵

三

失利

晉太康元年正月鎮南將軍杜預陳兵於江陵二月甲戌克江陵吳督將伍延死之初吳人知預病瘳憚其智計以瓠繫狗頸示之每大樹似瘳輒斫使白題曰杜預頸及城平盡捕殺之

晉懷帝永嘉五年蜀人李驤聚衆據樂鄉反荊州刺史王澄使成都內史王機討驤驤請降澄僞許而襲殺之於寵洲以其妻子爲賞沈八千餘人於江建武元年賊王冲自稱荊州刺史據江陵王貢矯陶

侃命以杜曾爲前鋒大督護進軍斬沖侃召沖不到
貢又恐矯命獲罪遂與曾舉兵反元帝以侍中第五
猗爲征南大將軍賊帥杜曾等迎猗奉之引兵向江
陵王敦以從弟廙爲荊州刺史令督護征虜將軍趙
誘等討曾大敗於女觀湖

安帝隆安三年十二月桓元襲江陵初元在荊州所
爲豪縱刺史殷仲堪親黨皆勸仲堪殺之不聽及在
尋陽資其聲地推元爲盟主南蠻校尉楊佺期驕悍
元每以寒士裁之佺期甚憾密說仲堪以元終爲患

江陵縣志

卷之五十五

外志

紀兵

四

請於壇所襲之仲堪忌佺期兄弟勇健恐旣殺元不
可復制苦禁之於是各還所鎮元知其謀陰有取佺
期志乃屯於夏口仲堪恐元跋扈乃與佺期結婚爲
援佺期勒兵建牙聲云援洛欲與仲堪共襲元仲堪
苦止之乃解兵諮議參軍羅企生曰殷侯仁而無斷
必及於難是歲荊州大水仲堪竭倉廩以賑飢民元
欲乘虛伐之乃發兵西上聲言救洛時秦陷洛陽仲堪遣
殷遙帥水軍七千至西江口元使郭銓苻宏擊敗之
元頓巴陵食其積粟仲堪遣楊廣及弟子道護等拒

之皆敗江陵震恐城中乏食以胡麻廩軍士元乘勝至零口去江陵二十里仲堪急召佺期自救佺期以江陵無食召仲堪共守襄陽仲堪以有儲給之佺期率步騎八千至江陵惟以飯餉其軍佺期大怒曰今茲敗矣不見仲堪與其兄廣共擊元大敗單騎奔襄陽仲堪出奔鄠城元遣將軍馮該追佺期及廣皆獲而殺之仲堪聞佺期死將奔長安至冠軍城該追獲之還至柞溪逼令自殺並殺道護

元興元年正月下詔討桓元元聞大軍將發大驚欲

江陵縣志

卷之五十五

外志

紀兵

五

完聚保江陵長史卞範之請以兵臨近畿元從之畱桓偉守江陵舉兵東下二月大軍潰元入京師二年冬元稱皇帝廢帝爲平固王三年劉裕與劉毅何無忌孟昶及裕弟道規諸葛長民等起兵討元三月元逼帝西上劉毅等率兵追之四月挾帝入江陵桓石康納之收集荊州兵二萬樓船器械甚盛元復挾帝東下五月劉毅何無忌劉道規帥衆西上與元遇於崢嶸洲道規麾衆先進毅等從之乘風縱火盡銳爭先元衆大潰挾帝單舸西走入江陵元欲奔漢中就

桓希而人情乖阻號令不行乃夜與腹心百餘人乘馬出城西走至城門左右於闇中斫元不中其徒更相殺傷前後交橫元至船左右分散惟卞範之在側時荊州別駕王康產南郡太守王騰之奉帝居於南郡毛璩之弟子修之爲校尉誘元入蜀會璩弟寧州刺史璠卒於官璩使其兄孫祐之及參軍費恬帥數百人送璠喪歸江陵遇元於枚迴洲迎擊之督護馮遷抽刀而前元曰汝何人敢殺天子遷曰我殺天子之賊耳遂斬之又斬桓石康桓濬庾蹟之執桓昇送

江陵斬於市乘輿返正於江陵

時桓謙匿於沮中桓振匿於華容浦元故將王稚徽戍巴陵振聚黨二百人襲江陵謙聚衆應之閏月己丑城復陷殺王康產王騰之振見帝於行宮躍馬奮戈直至階下問桓昇所在聞已死瞋目謂帝曰臣門戶何負國家而屠滅若是瑯邪王德文下牀謂曰此豈我兄弟意邪振欲弑帝謙苦禁之乃下馬斂容致拜而出癸巳謙等率羣臣奉璽綬於帝侍御左右皆振腹心振爲都督八州諸軍事縱意酒色肆行誅殺

謙勸振引兵下戰已守江陵振不聽劉毅至巴陵誅
王稚徽何無忌劉道規進攻桓謙於馬頭桓蔚於龍
泉即龍陂皆破之無忌欲乘勝直趣江陵道規曰兵法
屈申有時不可苟進諸桓世居西楚羣小皆爲竭力
振勇冠三軍難與爭鋒可息兵養銳以計縻之不憂
不克無忌不從逆戰於靈溪馮該以兵會之無忌等
大敗退還尋陽

義熙元年正月南陽太守魯宗之起兵襲襄陽桓蔚
走江陵己丑劉毅等諸軍至馬頭桓振挾帝出屯江

津辛卯宗之擊破振將溫楷于柞溪進屯紀南振留
桓謙馮該守江陵引兵與宗之戰大破之劉毅等擊
破馮該於豫章口桓謙棄城走毅等入江陵桓振還
望見火起知城已陷其衆皆潰逃於涓川二月帝東
還三月振復襲江陵荊州刺史司馬休之戰敗奔襄
陽振自稱荊州刺史建威將軍劉懷肅自雲杜引兵
馳赴與振戰於沙橋劉毅遣廣武將軍唐興助之臨
陣斬振復取江陵

六年譙縱以桓謙爲荊州刺史譙道福爲梁州刺史

帥衆二萬寇荊州秦王興遣前將軍荀林帥騎兵會之謙於道召募得二萬人屯枝江林屯江津雍州刺史魯宗之帥衆數千自襄陽赴江陵劉道規使宗之居守自帥諸軍攻謙諸將皆曰今遠出討謙其勝難必苟林近在江津伺人動靜若來攻城宗之未必能固脫有蹉跌大事去矣道規曰苟林愚懦無他奇計以吾去未遠必不敢向城吾克謙則林破膽且宗之獨守何爲不支乃馳往攻謙水陸齊進謙等大陳舟師兼以步騎戰於枝江檀道濟先進陷陳謙等大敗

江陵縣志

卷之五十五

外志

紀兵

八

單舸奔苟林道規追斬之還至涌口

在縣東

討林林走

冬十月徐道覆率衆三萬趣江陵奄至破冢道規使劉遵別爲遊軍自拒道覆於豫章口前驅失利遵自外橫擊大破之斬首萬餘級赴水死者殆盡道覆單舸走還湓口

八年劉毅有疾求遣從弟兗州刺史蕃爲副貳劉裕僞許之九月裕帥師西討參軍王鎮惡至豫章口捨船步上蒯恩軍在前鎮惡次之舸留一二人對舸岸上豎六七旗下輒安一鼓語所留人計我將至城便

長嚴令後有大軍狀又分隊在後令燒江津船艦鎮惡逕前襲城未至五六里逢毅要將朱顯之欲出江津問是何人答云劉兗州至顯之馳前問蕃在所答云在後顯之至軍後不見蕃而見軍人擔彭排戰具望江津船艦已被燒鼓嚴之聲甚盛知非蕃上便躍馬馳去告毅行令閉諸城門鎮惡亦馳進軍人緣城得入門猶未及下關因得開大城東門大城內毅凡有八隊帶甲千餘已得戒嚴蒯恩入東門便北回擊射堂前攻金城東門鎮惡入東門便直擊金城西門

時東從舊將猶有六隊千餘人西將及能細直吏快手復有二千餘人食時就鬪至中晡西人退散及歸降略盡有王桓者家在江陵率十餘人助鎮惡戰下晡間於金城東門北三十步鑿城作一穴桓便先衆入穴鎮惡自後繼之隨者稍多短兵接戰鎮惡軍人與毅東將多中表親戚且鬪且共語並知太尉自來人情離懈一更許聽事前陣散潰斬毅勇將趙蔡毅左右兵猶閉東西閣拒戰鎮惡慮闇夜自相傷犯乃引軍出繞金城開其南面毅慮南有伏兵三更中率

左右三百許人開北門突出奔牛牧寺自縊

十一年正月太尉劉裕收司馬休之次子文寶兒子文祖賜死自領荊州刺史將兵擊司馬休之二月休之上表罪狀裕勒兵拒之裕密書招休之錄事韓延之延之復書拒之

詳見雜記

裕遂使參軍檀道濟朱超石

將步騎出襄陽使其壻振威將軍東海徐達之統兵參軍蒯恩王允之沈淵子爲前鋒出江夏口達之等與魯軌戰於破冢兵敗達之允之淵子皆死獨蒯恩勒兵不動軌乘勝力攻之不能克乃退裕軍於馬頭

江陵縣志

卷之五十五

外志

紀兵

十

聞達之死怒甚三月帥諸將濟江魯軌司馬文思將休之兵四萬臨峭岸置陳軍士無能登者裕自被甲欲登諸將諫不從怒愈甚主簿謝晦前抱持裕裕抽劔指晦曰我斬卿晦曰天下可無晦不可無公建武將軍胡藩領遊兵在江津裕呼藩使登藩有疑色裕命左右錄來欲斬之藩顧曰正欲擊賊不得奉教乃以刀頭穿岸劣容足指騰岸力戰裕兵因而乘之休之兵大潰遂陷江陵休之宗之俱北走

互見古蹟

宋文帝元嘉三年荊州刺史謝晦舉兵反初文帝誅

徐羨之傅亮及晦子世休又收晦弟暉等晦知先舉羨之亮哀次發子弟凶問旣而自出射堂集精兵三萬人發江陵舟艦列自江津至於破冢旌旗相照歎曰恨不得以此爲勤王之師帝問討晦之策於檀道濟對曰臣昔與晦同從北征入關十策晦有其九才略明練殆爲少敵然未嘗孤軍決勝戎事恐非其長臣悉晦智晦悉臣勇今奉王命討之可未陳而擒也晦聞其來大衆皆潰獲小船還江陵時雍州刺史劉粹遣弟道濟與臺軍主沈敞之襲江陵至沙橋周超

大破之俄而晦敗至江陵攜弟遯兄子世基等七騎北走至安陸延頭晦故吏戍主光順之檻送建鄴武帝孝建元年二月荊州刺史南郡王義宣舉兵反率衆十萬發自江津舳艫數百里是日大風船幾覆僅入中夏口以第八子慆爲輔國將軍畱鎮江陵及敗回江陵左右奔叛欲隨魯秀北走乃於戎服內膾囊盛糧帶佩刀攜息慆及愛妾五人著男子服相隨城內擾亂白刃交橫義宣大懼墜馬竺超民更以馬與之因還守城義宣未出郭將士逃散惟餘慆及五

妾兩黃門而已夜還入城空廨無牀席地至旦遣黃門報超民超民遣故車一乘載送刺姦義宣止獄戶坐地歎曰臧質老奴誤我六月賜死

明帝泰始元年十二月江州刺史晉安王子勛反荆州刺史臨海王子頊舉兵應之二年八月沈攸之諸軍至江州斬子勛荆州聞濃湖平乃遣將趙道始於江津築壘任演戍沙橋諸門津要皆有屯兵時將士漸逃散更議奉子頊奔益州典籤阮道預邵宰不從卽與劉道憲解遣白丁遣使歸罪荆州治中宗景士

江陵縣志

卷之五十五

外志

紀兵

十二

人姚儉等勒兵入城殺道憲道預及記室參軍鮑昭劫掠府庫無復子遺執子頊以降

順帝昇明元年七月蕭道成弑其主昱十一月宋荆襄都督沈攸之舉兵江陵討道成攻郢城不拔軍潰還江陵張敬兒勒兵偵攸之下遂襲江陵攸之使子元琰與長史江乂別駕傅宣共守江陵城敬兒至沙橋觀望未進城中夜聞鶴唳謂爲軍來乂宣開門出走吏民崩潰元琰奔寵洲爲人所殺敬兒至江陵殺攸之二子四孫攸之將至江陵百餘里聞城已爲敬

兒所據士卒隨之者皆散乃與其第三子文和走至華容界皆縊於櫟林

齊武祖永明八年荊州刺史巴東王子響有罪伏誅初子響有勇力善騎射自選帶仗左右有膽幹者六十人至鎮數於內齋以牛酒犒之又私作錦袍絳襖欲以餉蠻交易器仗長史高平劉寅司馬安定席恭穆連名密啓上勅精檢子響聞臺使至不見勅召寅等詰之大怒執寅等八人於後堂殺之上怒遣衛尉胡諧之游擊將軍尹略中書舍人茹法亮帥齋仗數

江陵縣志

卷之五十五

外志

紀兵

十三

百人詣江陵檢捕羣小以平南內史張欣泰爲副至江津築城燕尾洲子響遣所養勇士收集州府兵二千人從靈溪西渡自與百餘人操萬鈞弩宿江隄上明日府州兵與臺軍戰子響於隄上發弩射之臺軍敗尹略死諧之等走上又遣丹陽尹蕭順之將兵繼至子響卽日將白衣左右三十人乘舫艦沿流赴建康於射堂縊殺之

東昏侯永元二年十一月行荊州事蕭穎胄以荊州刺史南康王寶融起兵江陵時雍州刺史蕭衍聞其

兄蕭懿死起兵襄陽齊主遣輔國將軍劉山陽將兵三千之官就穎胄兵使襲襄陽衍知其謀遣參軍王天虎詣江陵徧與州府書云山陽西上并襲荆雍穎胄疑未決山陽至巴陵衍復令天虎齎書與穎胄及其弟穎達山陽至江安十餘日遲回不上穎胄大懼夜呼參軍席闡文柳忱閉齋定議闡文曰蕭雍州蓄養士馬非復一日必不可制就能制之歲寒復不爲朝廷所容今若殺山陽與雍州舉事立天子以令諸侯則霸業成矣山陽持疑不進是不信我今斬送天

江陵縣志

卷之五十五

外志

紀兵

十四

虎則彼疑可釋至而圖之罔不濟矣忱曰朝廷狂悖日滋京師貴人莫不重足累息今幸在遠得假日自安雍州之事且藉以相斃耳獨不見蕭令君乎以精兵數千破崔氏十萬衆竟爲羣邪所陷禍酷相尋前事之不忘後事之師也且雍州士銳糧多蕭使君雄姿冠世必非山陽所能敵若破山陽荊州復受失律之責進退無可宜深慮之穎達亦勸穎胄從闡文計詰旦穎胄謂天虎曰卿興輔國相識今不得不借卿頭乃斬送山陽發民車牛聲云起步軍征襄陽山陽

大喜至江津單車白服從左右數十人詣穎胄伏兵
斬之以南康王寶融教纂嚴送山陽首於蕭衍以衍
都督前鋒三年三月寶融卽帝位於江陵中興二年
三月齊王發江陵以蕭憺都督荆湘六州軍士
梁武帝太清二年侯景反荆州刺史湘東王繹移檄
遣兵赴援三年二月王次於武城不進五月梁主衍
殂王自稱假黃鉞大都督中外諸軍承制九月雍州
刺史岳陽王詵來寇初湘東遣信州刺史鮑泉伐湘
州河東王譽告急於詵詵率衆二萬騎二千來寇以

江陵縣志

卷之五十五

外志

紀兵

十五

救湘州王大懼遣左右就獄中問計於王僧辯僧辯
陳方略乃赦之以爲城中都督詵至江陵作十三營
以攻之會大雨平地水深四尺詵軍氣沮王與新興
太守杜崱有舊密邀之崱與兄岌岸等帥所部降岸
請以五百騎襲襄陽詵聞之夜遁王使僧辯攻湘州
元帝承聖元年十一月湘東王繹卽帝位於江陵三
年九月魏遣于謹宇文護楊忠將兵五萬來寇十月
發長安長孫儉問謹曰爲繹計將如之何謹曰耀兵
漢沔席卷渡江直據丹陽上策也移郭內居民退保

子城峻其陴堞以待援軍中策也若難於移動據守羅郭下策也然蕭氏保據江南綿歷數紀屬中原多故未遑外略又以我有齊氏之患必謂力不能分且釋懦而無謀多疑少斷愚民難與慮始皆戀邑居必用下策時太守宋均告魏兵且至領軍胡僧祐黃羅漢曰二國無隙必應不然乃復遣王琛使魏丙子于謹至樊鄧梁王警率衆會之辛卯帝乃停講戒嚴琛至石梵馳報羅漢曰境上帖然前言皆兒戲耳帝乃復講百官戎服以聽徵王僧辯爲大都督命陳霸先

江陵縣志

卷之五十五

外志

紀兵

十六

徙鎮揚州甲戌帝夜登鳳凰閣徙倚歎息曰客星入翼軫今必敗矣嬪御皆泣十一月帝大閱於津陽門外遇北風暴雨輕輦還宮魏軍濟漢于謹令宇文護楊忠帥精騎先據江津斷東路甲申帝乘馬出城行柵柵插木爲之周圍六十餘里以領軍將軍胡僧佑都督城東諸軍事尙書右僕射張綰副之左僕射王褒都督城西諸軍事四廂領直元景亮副之王公以下各有所守丙戌命太子巡行城樓令居人助運木石夜魏軍至黃華華城四十里丁亥至柵下戊子雋州刺

史裴畿之弟新興太守機武昌太守朱買臣衡陽太守謝答仁開枇杷門出戰裴機殺魏儀同三司胡文伐丁酉柵內火燒數千家及城樓二十五帝臨所焚樓望魏軍濟江四顧嘆息是夜止宮外宿民家己亥移居祇泊寺于謹令築長圍中外信命遂絕庚子信州刺史徐世譜晉安王司馬任約等築壘於馬頭遙爲聲援是夜帝巡城猶口占爲詩羣臣亦有和者裂帛爲書趣王僧辯曰吾忍死待公可以至矣壬寅還宮癸卯出長沙寺戊申王褒胡僧祐朱買臣謝答仁

江陵縣志

卷之五十五

外志

紀兵

十七

等開門出戰皆敗還己酉帝移居天居寺癸丑移居長沙寺時徵兵四方皆未至甲寅魏軍百道攻城城中負戶蒙楯胡僧祐親當矢石晝夜督戰獎勵將士明行賞罰衆咸致死所向摧殄魏不得前俄而中流矢死內外大駭反者開西門納魏師帝與太子王褒等退保金城令汝南王大封晉熙王大圓質於于謹以請和時城南雖破而城北諸將猶苦戰日暝聞城陷乃散帝入東閣竹殿命舍人高善寶焚古今圖書十四萬卷將自赴火宮人左右共止之又以寶劍斫

柱歎曰文武之道今夜盡矣乃使御史中丞王孝祀作降文謝答仁朱買臣諫曰城中兵衆猶強乘間突圍而出賊必驚因而薄之可渡江就任約帝素不便馬曰事必無成祇增辱耳答仁求自扶帝以問王褒褒曰答仁侯景之黨豈足可信成彼之勳不如降也答仁請守子城收兵可得五千人帝然之卽授城中大都督配以公主旣而召王褒謀之以爲不可答仁請入不得歐血而去于謹徵太子爲質帝使王褒送之遂去羽儀文物白馬素衣出東門抽劔擊闔曰蕭

江陵縣志

卷之五十五

外志

紀兵

十八

世誠一至此乎魏軍士度塹牽其轡至白馬寺北奪其所乘駿馬以駑馬與之手扼其背以行逢于謹牽帝使拜梁王警使鐵騎擁帝入營囚於烏幔之下甚爲警所詰辱乙卯于謹令長孫儉入據金城帝給儉云城中埋金千觔欲以相贈儉乃將帝入城帝因述警見辱之狀謂儉曰向聊相給欲言此耳豈有天子自埋金乎儉乃畱帝於主衣庫十二月辛未帝爲魏人所弑梁王警使尙書傅準臨刑以土囊隕之詳墓冢並殺愍懷太子元良始安王方略桂陽王大成等魏

立梁王訢爲梁主資以荊州之地延袤三百里居江陵東城詳池城收府庫珍寶及宋渾天儀梁銅晷表大玉徑四尺及諸法物盡俘王公以下選百姓男女數萬口爲奴婢分賞三軍驅歸長安小弱者皆殺之得免者三百餘家而人馬所踐及凍死者什二三紹泰元年三月魏免梁俘數千口時魏宇文泰得庾季才厚遇之令參掌太史季才散私財購親舊之爲奴婢者泰問其故對曰僕聞克國禮賢古之道也今郢都覆沒其君信有罪矣縉紳何咎皆爲皂隸鄙人羈旅

江陵縣志

卷之五十五

外志

紀兵

十九

不敢獻言誠竊哀之故私贖之耳泰乃悟曰吾之過也微君遂失天下之望因出令免之

陳臨海王光大二年三月吳明徹來寇引水灌城梁主出頓紀南以避之周總管田宏從梁主副總管高琳與梁僕射王操守三城東西南二城並紀南城晝夜拒戰十旬

梁將馬武吉徹擊明徹敗之明徹退保公安梁主乃還

宣帝太建二年陳章昭達攻逼江陵梁主蕭巋告急於襄州衛公直令李遷哲往救焉遷哲率兵守外城

與陳將程文季交戰兵稍却乃親自陷陳手殺數人
會梁總管陸騰出助之陳人乃退時水汎壞龍川龍卽
陂寧朔隄陳人引水灌城遷哲先塞北隄以止水募
驍勇擊之頻有斬獲敵復入郭內焚燒民家遷哲率
騎出南門又令步軍出北門兩軍合勢首尾邀之陳
人敗多投水死是夜敵又竊於西堞以梯登者數百
人遷哲率驍勇扞之陳人復潰俄而大風暴起遷哲
乘闇擊其營陳人大亂殺傷甚衆陸騰復破之於西
堤陳人乃遁

江陵縣志

卷之五十五

外志

紀兵

二十

長城公禎明元年八月隋徵梁主入朝梁主帥羣臣
二百餘人發江陵庚申至長安隋遣武鄉公翟宏度
將兵戍江陵至都州梁主叔父太傅安平王巖弟荆
州刺史義興王讞等恐宏度襲之乙丑遣都官尙書
沈君公詣陳荊州刺史宜黃侯慧紀請降於陳九月
慧紀引兵至城下巖等驅文武男女十萬餘口濟江
隋主聞之廢梁國遣尙書左僕射高潁安集逸民以
其主蕭琮爲莒公

隋恭帝義寧元年後梁宣帝曾孫蕭銑起兵巴陵自

稱梁王二年四月卽帝位徙都江陵

唐高祖武德四年遣趙郡王孝恭李靖發巴蜀兵伐

梁梁將文士宏將精兵數萬屯清江

卽今施南府治

孝恭擊

走之追奔至百里洲士宏收兵復戰又敗之進入北

江時梁以罷兵營農宿衛纔數千人聞唐兵至倉猝

徵兵皆在江嶺之外道塗阻遠不能遽集乃悉見兵

出拒戰孝恭將擊之李靖止之曰彼救敗之師策非

素立勢不能久不若且泊南岸緩之一日彼必分其

兵或畱拒我或歸自守兵分勢弱我乘其懈擊之蔑

江陵縣志

卷之五十五

外志

紀兵

二十一

不勝矣今若急之彼則併力死戰楚兵剽銳未易當也孝恭不從畱靖守營自帥銳師出戰果敗走趣南岸梁衆委舟收掠軍資人皆負重靖見其衆亂縱兵奮擊大破之乘勝直抵江陵入其外郭又攻水城拔之大獲舟艦靖使悉散之江中諸將皆曰破敵所獲當藉其用奈何棄以資敵靖曰蕭銑之地南出嶺表東距洞庭吾懸軍深入若攻城未拔援軍四集吾表裏受敵進退不獲雖有舟楫將安用之今棄使塞江而下援兵見之必謂江陵已破未敢輕進往來覘伺

動淹旬月吾取之必矣援兵見舟艦果疑不進孝恭勒兵圍江陵銑內外阻絕中書侍郎岑文本勸銑降銑謂羣臣曰天不祚梁不可復支矣必待力屈則百姓蒙患奈何以我之故陷百姓於塗炭乎以太牢告於太廟下令出降率羣臣總纓布幘詣軍門曰當死者惟銑耳百姓無罪願不殺掠孝恭入據其城諸將欲大掠岑文本說孝恭稱善遽禁止之諸將又言梁將帥拒鬪死者請籍其家以賞將士靖曰王者之師宜使義聲先路彼爲其主死乃忠臣也豈可同

江陵縣志

卷之五十五

外志

紀兵

二十二

叛逆之科乎於是城中安堵秋毫無犯孝恭送銑長安竟斬於都市

永王璘領荊州大都督安祿山反詔璘卽日赴鎮璘至江陵募士得數萬補署郎官御史時江淮租賦鉅億萬所在山委璘生宮中於事不通曉見富且強遂有闕江左之意卽引舟師東下趨廣陵後兵敗皇甫侁執璘殺之

肅宗乾元二年八月襄州防禦將康楚元張嘉延反楚元僞稱南楚霸王九月陷荊州荆南節度杜鴻漸

棄城遁人皆南奔爭舟溺死者甚衆商州刺史韋倫
討平之楚元伏誅

僖宗乾符五年王仙芝來寇荆南節度楊知溫以文
學進不知兵或告賊至知溫以爲妄不設備正月朔
大雪知溫方受賀賊至城下遂陷羅城將佐共治子
城守之及暮知溫猶不出將佐請出撫士卒乃紗帽
皂裘而行將伍請擐甲以備流矢知溫見士卒拒戰
猶賦詩示幕僚遣使告急於山南東道節度李福福
悉衆來救至荆門遇賊縱騎奮擊破之仙芝聞之焚

江陵縣志

卷之五十五

外志

紀兵

二十三

掠江陵而去江陵城下舊三十萬戶至是死者什三
四

六年十一月黃巢將尙讓來寇衆號五十萬時諸道
兵未集江陵兵不滿萬人王鐸畱其將劉漢宏守江
陵自率衆趣襄陽云欲會山南東道節度劉巨容之
師鐸旣去漢宏大掠江陵焚蕩殆盡士民逃竄山谷
會大雪僵尸滿野後旬餘賊乃至黃巢北趣襄陽劉
巨容大破之乘勝逐北比至江陵俘斬其什七八巢
與尙讓收餘衆渡江東走

中和二年六月荆南監軍朱敬玫殺其節度使段彥
騫初騫與敬玫相惡敬玫別選壯士三千人號忠勇
軍自將之彥騫謀殺敬玫敬玫先帥衆攻殺之以少
尹李燧爲畱後

十一月荆南軍亂初朝廷以鄭紹業節度荆南時段
彥騫據荆南紹業憚之踰半歲乃至鎮上幸蜀召紹
業還以彥騫爲節度使朱敬玫殺之復以紹業爲節
度使紹業畏敬玫逗遛不進軍中久無帥至是敬玫
署押牙陳儒知府事儒江陵人也三年以儒爲節度

使四年朱敬玫所募忠勇軍暴橫陳儒患之鄭紹業
之鎮荆南也雷滿屢攻掠荆南儒重賂以却之淮南
將張瓌韓師德叛高駢據復岳二州自稱刺史儒請
瓌攝行軍司馬師德攝節度副使將兵擊雷滿十二
月瓌還兵逐儒自稱畱後儒將奔行在瓌劫還囚之
瓌性貪暴荆南舊將夷滅殆盡先是朱敬玫屢殺大
將及富商以致富朝廷遣中使楊元晦代之敬玫畱
居荆南嘗曝衣瓌見而欲之遣卒夜攻之殺敬玫盡
取其財

光啓元年閏月秦宗權遣其弟宗言來寇九月馬步
趙匡謀奉前節度使陳儒以出張瓌覺之殺匡及儒
宗言圍荆南二年瓌嬰城自守城中斗米錢四十千
計杯而食號爲通腸食甲鼓皆盡擊門扉以警夜疫
死者爭啗其尸懸首於戶以備饌宗言竟不能克而
去三年十二月秦宗權所署山南東道畱後趙德諲
陷江陵節度使張瓌畱其將王建肇守城而去遺民
纔數百家

唐書僖宗記淮西將趙德諲陷江陵節度使張瓌

江陵縣志

卷之五十五

外志

紀兵

二十五

死之新書城陷瓌死人無識者並投於井復州長
史陳璠從瓌至江陵知之密斷首置囊中去京師
獻之授安州刺史說與通鎖異

文德元年四月歸州刺史郭禹擊荆南逐王建肇建
肇奔黔州詔以禹爲荆南畱後禹奏復姓名爲成汭
昭宗天處三年成汭率舟師救杜洪行未至鄂州馬
殷遣大將許德勳雷彥威遣其將歐陽思乘虛襲江
陵陷之盡掠其人及貨財而去

十月山南節度趙匡凝遣忠義軍克江陵郎人棄城

去郎人雷彥威兵也 叡死 匡凝表其弟匡明爲荆南
留後時昭宗微弱諸道多不上供惟匡凝兄弟委輸
不絕

天祐二年九月朱全忠引兵來寇至樂鄉荆南牙將
王建武遣使迎降留後趙匡明奔成都全忠以都將
賀瓌爲荆南留後武貞軍節度使雷彥威屢寇荆南
瓌閉城自守全忠以爲怯以潁州防禦使高季昌代
之又遣駕前指揮使倪可福將兵五千戍荆南以備
吳蜀郎兵引去

江陵縣志

卷之五十五

外志

紀兵

二十六

後梁開平元年雷彥恭會楚兵來寇節度使高季昌
引兵屯公安絕其糧道彥恭敗楚兵亦走九月彥恭
攻涪陽季昌擊敗之

二年淮南遣將李厚將水軍萬五千來寇高季昌逆
戰敗之於馬頭九月季昌遣兵屯漢口絕楚朝貢之
路楚王馬殷遣將許德勳將水軍擊之至沙頭季昌
懼而請和

四年楚遣將來寇高季昌擊破之斬首五千級

後唐明宗天成二年二月制削奪高季興卽季昌 官爵

以山南東道節度使劉訓爲招討使忠武節度使夏魯奇爲副將步騎四萬討之江陵卑溼復值久雨糧道不繼將士疾疫訓亦寢疾五月引兵還

三年三月楚王殷遣六軍使袁詮副使王環監軍馬希瞻將水軍來寇高季興以水軍逆戰至劉郎洑希瞻夜匿戰艦數十艘於港中詰旦兩軍合戰希瞻出戰艦橫擊之季興大敗俘斬以千數進逼江陵季興請和而還

六月高季興稱藩於吳唐明帝詔楚王馬殷討之殷

江陵縣志

卷之五十五

外志

紀兵

二十七

遣許德勳將兵來攻以其子希範爲監車次沙頭季興從子指揮使從嗣單騎造楚壁請與希範挑戰決勝副指揮使廖匡齊出與之鬪拉殺之季興懼明日請和德勳還

宋太祖乾德元年內酒坊副使盧懷忠使荆南覘勢強弱使還具言可取之狀遂命李處耘圖之處耘至襄州先遣闔門使丁德裕假道荆南誥具薪水給軍荆人辭以民庶恐懼願供芻餼於百里外處耘又遣德裕諭之乃聽命遂令軍中曰入江陵城有不由路

及擅入居舍者斬師次荆門高繼沖遣其叔保寅及軍校梁延嗣奉牛酒犒師且來覘也處耘待之有加諭令翌日先還延嗣大喜報繼沖以無虞荆門距江陵百里是夕召保寅宴飲慕容延釗之帳處耘密遣輕騎數千倍道前進繼沖但俟保寅延嗣之還遽聞大軍奄至卽惶怖出迎遇處耘於江陵北十五里處耘揖繼沖令待延釗遂率親兵先入登北門比繼沖還則兵已據城中荆人束手聽命卽調發江陵卒萬餘人並其帥晨夜趨郎州遂盡得荆湖之地

江陵縣志

卷之五十五

外志

紀兵

二十八

高宗建炎三年十一月京西賊貴仲正來寇兵馬鈐轄渠成與戰斬之

四年五月劉超據荆南

理宗端平三年正月蒙古將忒木禰來寇統制李復明奮戰死之荆湖北路制置使史嵩之遣江陵知府孟珙救之珙遣張順先渡而自以全師繼之變易旌旗服色循環往來夜則列燭照江數十里相接又遣趙武等與戰珙親往節度遂破蒙古二十四砦還民二萬而歸

度宗咸淳十年元丞相伯顏伐宋宣撫使賈居貞曰
江陵要地乃宋制闔重兵所屯聞諸將不睦遷徙之
民盈城復皆疾疫芻薪乏闕杜門不敢樵採不乘隙
先取之迨春水漲恐上流爲彼所乘則鄂危矣恭宗
德祐元年二月元阿里海牙言江陵宋巨鎮地居大
江上流屯精兵不啻數十萬若非乘此破竹之勢取
之江水泛溢鄂漢之城亦恐難守元主從其請夏四
月阿里海牙駐軍城南沙市攻其柵破之遣郎中張
鼎齋元主詔入江陵宋都統孟紀死之荆湖制置朱

江陵縣志

卷之五十五

外志

紀兵

二十九

禛孫湖北制置副使高達提刑青陽夢炎李湜以城
降荆南州軍皆陷

元順帝至正十二年正月壬申徐壽輝兵陷中興路
山南宣慰司同知月古輪失領兵出戰衆潰宣慰使
錦州不花山南廉訪使卜禮月敦皆遁走五月己卯
咬住復中興路九月賊將俞君正復陷中興咬住領
兵與戰於樓臺敗績奔松滋本路判官上都死之癸
未中興義士范忠偕荆門僧李智率義兵復中興路
俞君正敗走龍鎮衛指揮使俺都刺哈蠻領兵入城

咬住自松滋還屯兵於石馬十五年五月庚戌倪文
俊自沔陽陷中興路元帥朶兒只班死之七月命知
樞密院事答兒麻監藏及四川行省左丞沙刺班湖
南同知宣慰使劉答兒麻失里以兵屯中興十七年
三月詔以高寶爲四川行省參知政事將兵取中興
不克二十四年九月明兵取中興路
明崇禎十五年十二月李自成陷荊州湘陰王儼鈞
遇害孝廉李開先罵賊不食死生員易逢泰等駢首
屠戮者不可勝計

江陵縣志

卷之五十五

外志

紀兵

三十

國朝順治二年

王師平荊州初崇禎七年甲戌正月流賊由興山出破當
陽副總楊廷玉率精兵七百人血戰而死郡屬西北
迄無寧日丙子六月初二日賊長驅至龍陂橋荆衛
指揮秦啓不能禦而逃賊遂衝突北門趨沙市民溺
江死者無算時諸生劉楷率義勇殺賊渠魁詳忠烈會
毛容二土司兵亦至奮擊賊衆披靡最後絳衣一賊
馳窺小北門橋邊查百戶於城上射中之是夜賊收
營八嶺山退走西山時出時沒乃移長沙偏院陳睿

謨兵三千又調雲南沐兵三千分屯城東沙草二市
庚辰年閣部楊嗣昌督總兵黑雲翔郎其貴猛如虎
等兵八萬屯荆之北門諸處明年辛巳分兵四出蹙
張獻忠於母豬峽賊緣崖扳藤而下夜行晝伏適嗣
昌遣人密傳檄於襄陽令慎守城池遇賊被殺賊卽
捧檄到襄陽誘殺襄王復從襄西破樊城變聞嗣昌
暴亡於沙市之徐家花園中其先麾下招安賊首一
斗粟二千餘人見嗣昌死叛去三總兵追斬數百人
餘賊奔竄黑等躡之西去壬午冬李自成陷襄陽荆

江陵縣志

卷之五十五

外志

紀兵

三十一

始戒嚴十二月初五日警報三至初八日惠王出走
偏院陳睿謨自言護從實欲間遁標兵擁舟挾賞人
給數金沿途騷擾江津之民先受其虐城中士民爭
出郭門卒乘機搶奪蹶而死者日數十人十六日賊
至龍陂橋入北門一郡鼎沸府學教授撤君錫死之

詳古蹟
撤公棧

賊以僞將軍任光榮僞防禦孟長庚屯守郡
城內外自是荆屬各縣相繼陷癸未三月孟長庚率
衆下岳陽沿途屠戮馬家賽鶴穴上下地方無一噍
類湖南監察御史劉熙祚邀擊之賊大敗遁還七月

有副參賈楊數輩至龍灣市率鄉之豪者分守水次
數與賊角十月冬賊焚殺東南一路由清寧寺土地
口三湖紅馬湖之間踰壑填澗直搗龍灣虐殺無算
賈楊烏散諸生謝幼安不屈詳忠烈時城中賊張極岳
基素爲任賊指臂而馬狃狃者與羅曹操俱爲大隊
破荆後闖賊忌羅給殺之羣盜多不服而去馬賊因
思自逞下襲江陵任孟斂避其鋒十二月獻忠擁衆
自湖南來張極岳基遽往投焉光榮長庚失勢宵遁
荆門獻賊入城自稱西王甲申春賊西走縱兵大掠
驅民毀城垣焚廬舍百里內外無復烟火光榮等瞰
知復至據守焉四月左良玉帥師來圍連營數百里
濱江一帶焚掠無餘已而退去乙酉二月馬進忠薄
荆城築壘合圍俄闖賊老營並至

大兵乘勝追奔孟長庚憑城不順鄭四維斬長庚首以降
卽授四維荊州總鎮闖賊東竄餘衆星散荊州平
四年永明王令李赤心等攻荊州月餘
大兵援荊州赤心等大敗步入蜀